

## ZAPISNIK SA 25. SJEDNICE UO SAMOSTALNOG SINDIKATA RADNIKA U BHRT-u, U MANDATU 2019-2023, KOJA JE ODRŽANA U UTORAK 28.12.2021. GODINE

**Prisutni:** Damir Smital; Neda Tadić; Džemal Kahrica; Elvis Čengić; Edis Fočo; Samir Gadžo; Josip Sogović; Rifat Kukić; Merima Kurtović Pašalić; Mensud Grbo; Mustafa Baručija; Nihad Arnautović; Mubera Herac

**Odsutni:** Armin Salihagić; Ekrem Agić; Sadin Kavazović; –**opravdano**

Omer Bukić; – **neopravdano**

**Gosti :** Medina Šehić i Goran Brkić

Dnevni red:

1. Zapisnici sa 24. redovne i 11. vanredne sjednice
2. Aktuelna situacija u BHRT-u
3. Finansije
  - Izvještaj blagajnika (D. Karšić)
  - Adriatic
  - Nova godina
  - Penzioneri
4. Pomoć
5. Razno

**AD 1.** D.Smital je na osnovu člana 35. Statuta Samostalnog sindikata radnika u BHRT-u, u 13.06.sati otvorio 25. sjednicu UO SSR u BHRT-u. N.Tadić je izvjestila sindikat da ju je kontaktirao G.Brkić sa upitom može li sa M.Šehić prisustvovati sjednici, a kasniti će kako je rekla, na sami početak sjednice.

D.Smital je zamolio sve članove UO sindikata da se pridržavaju Poslovnika o radu UO, jer kako je istakao, izvršnom sekretaru je jako teško praviti zapisnik kada svi u glas raspravljaju na samoj sjednici.

Dnevni red je jednoglasno usvojen. Zapisnici sa 24. redovne i 11. vanredne sjednice UO sindikata su jednoglasno usvojeni.

**AD 2.** Održan je protest upozorenja u skladu sa zaključkom sa 11. vanredne sjednice i D.Smital se još jednom zahvalio svim članovima koji su učestvovali u organizaciji protesta, koji je po njegovim riječima do sada najpozitivnije prihvaćen od strane javnosti. UO Sindikata je jednoglasno usvojio Odluku o utrošku sredstava za održavanje protesta u ukupnom iznosu od 60,35 KM. Menadžment je informisao D.Smitala da nije bilo potrebe za održavanjem sastanka poslije protesta do same sjednice i da će sindikat obavjestiti o narednim isplata sredstava prema radnicima.

E.Fočo je obavjestio UO sindikata da je jučer tokom dana pušten 28. kanal sa Grdonja tj. pušteno je 10 kanala u HD rezoluciji od strane privatne agencije što je nezakonito. PEP je alarmirao tokom jučerašnjeg dana sve u vezi ovog slučaja.

Razočaravajuće je da niko od medija nije informisao javnost u vezi ovog slučaja obzirom da će svi ljudi na tom lokalitetu ostati bez analognog signala.

G.Brkić i M.Šehić su došli na sjednicu u 13.14 sati i UO im je jednoglasno dao saglasnost da se obrate, u skladu sa Poslovníkom. G.Brkić je rekao da su došli na sjednicu zbog vanredne sjednice UO sindikata na kojoj su oni kako je rekao “oblaćeni” u vezi košarkaške utakmice koja je održana u Hillsu zbog koje je podignuta velika prašina tj. koju su podigli E.Čengić i J.Sogović. Jedini krivac kako je rekao G.Brkić je isključivo on. Prije same utakmice G.Brkić je obišao teren i taj dan je zamijenjena dvorana u kojoj se trebala igrati pomenuta utakmica. On kao glavni reditelj ide na obilazak terena i urednica Sportskog programa odlučuje ko će i gdje ići, a ne treba da bude briga E.Čengića kao što je rekao “da je nećuveno da jedna ekipa obilazi teren a druga radi utakmicu”. Dvorana je bila neuslovna za rad i izašlo se u susret, kako je rekao, zbog sponzora da se realizuje prijenos i bilo je kasno da se mijenja i dvorana i utakmica. Ono što je G.Brkić dogovorio nije ispoštovano i nije urađeno kako treba i potpuno je neuslovno, ali problem je u tome što je J.Sogović došao 20 minuta prije same utakmice i G.Brkić je rekao da je greška reditelja i tehničkog vodstva što se toreta nije spustila na 5 metara visine što je bilo i dogovoreno. Snimatelji moraju doći sat vremena prije same utakmice i po dolasku na mjesto snimanja odbijeno je da se penju na tu visinu. I kako je G.Brkić rekao, s pravom. Nakon toga je D.Kerla, reditelj prijenosa, kontaktirao M.Šehić koja je kontaktirala šefa snimatelja. Nakon 10 minuta snimatelji su se popeli na toretu. G.Brkić je rekao da su trebali biti dosljedni i nisu se trebali penjati ako su već tako rekli. To se više neće nikada ponoviti istakao je G.Brkić i od danas će se drugačije raditi. G.Brkić je istakao da nije bilo u redu od strane E.Čengića što je pred generalnim direktorom i pomoćnicom za razvoj rekao da on lično gori prijenos nije uradio u 22 godine koliko radi na TV-u, a ima puno gorih stvari koje se ne spominju na sindikatu. M.Šehić je postavila pitanje da li sindikat za sastanak sa generalnim direktorom ima neku agendu tema o kojima će razgovarati? Ako je odgovor da i ako je tema sastanka bila toreta na utakmici, zašto niko nije pozvan iz sportskog programa? Da li je na tim sastancima sa menadžmentom u situaciji kada je blokiran račun BHRT-a, dopušteno nekom “istovarati se” na nekog, a ko nije prisutan na sastanku. Šta rade predstavnici sindikata BHT-a, zašto nisu zaustavili diskusiju u kojoj nema ljudi koje “se blati” i zašto niko nije obavjestio sportsku redakciju da su bili tema “blaćenja” na sastanku i zašto niko nije napisao prijavu?

D.Smital je problem sa toretom iznio na sastanku sa menadžmentom prije vanredne sjednice i mišljenja je da je to problem na koji se moralo ukazati kako se ne bi isto ponovilo.

J.Sogović je istakao da je od G.Brkića dobio poruku prije samog prijenosa u kojoj stoji "da je obećano da će biti drugačije, još jednom ja sam kriv. Odradite to koliko možete korektno a sutra ćemo pričati u Skenderiji" i postavio je pitanje je li prijenos odrađen korektno? J.Sogović je istakao da riječ blatiti nije ispravna kada je ovaj problem u pitanju i da su snimatelji došli sat i pol prije prijenosa što može potvrditi i tehničko vodstvo, a ne kako je rekao G.Brkić, koji nije bio na licu mjesta.

E.Čengić je istakao da rukovodstvo sindikata prije svakog sastanka ima plan i dnevni red za sastanak sa menadžmentom. Istakao je da u vezi obilaska terena neće dozvoliti da se u ekipu obilaska terena predlaže da idu snimatelji kako mu je rekao reditelj na samom prijenosu. E.Čengić je još jednom ponovio da niko nije "blaćen" na sastanku kako su rekli M.Šehić i G.Brkić nego je on lično tražio da se ispoštuje odluka koju je ovaj sindikat tražio od generalnog direktora u vezi službenog puta, a koja je donešena i o kojoj je upoznat i G.Brkić koji je učestvovao u istoj. To je odluka koja se mora poštovati na terenu i treći put traži da se poštuje. Na ovom terenu su ljudi bili ugroženi! E.Čengić je tražio na licu mjesta da se spusti toreta, nije se spustila. Tehničko vodstvo nije napisalo ni slova poslije ovoga terena nego je usmeno upoznao svog rukovodioca što je apsurdno, istakao je E.Čengić. Sve dispozicije se trebaju poštovati i svi prema istoj se trebaju ponašati. E.Čengić je postavio upit o sigurnosti ljudi na terenu na sindikatu prije nego što je menadžment bio prisutan. Istakao je kako on može za sebe reći bilo gdje je li uradio loše i kako je prijenos koji je on lično radio najlošiji do sada.

Nakon duže teške rasprave, D.Smital je prekinuo sjednicu poslije koje se na sjednicu nisu vratili Mensud Grbo i Nihad Arnautović.

Sjednica je nastavljena nakon 20 minuta

UO sindikata je jednoglasno usvojio stav sindikata u vezi akuelne situacije u kojoj se BHRT nalazi.

M.Kurtović Pašalić je upozнала UO sindikata da će se jedan broj radnika sa radija žaliti ombudsmenima za ljudska prava zbog toga što se na platnim listama prikazuje da se krediti uredno odbijaju, a isti se ne uplaćuju od strane poslodavca.

**AD 3.** Blagajnički izvještaj D.Karšić za novembar 2021.godine je primljen k znanju.

- Izvještaj M.Herac o poslovanju sa Adriatic osiguranjem za novembar 2021. godine je primljen k znanju.

Dž.Kahrica je obavjestio UO da su ga kontaktirali iz Adriatic osiguranja i da će do kraja sedmice biti uplaćen povrat sindikatu, a kako bi iznos ušao u finansijski izvještaj za 2021.godinu.

- Jednoglasno je usvojena Odluka o utrošku sredstava za novogodišnje bonove djeci članova sindikata. Upravni odbor je utvrdio da je ukupni utrošak sredstava za kupovinu bonova Konzuma, za djecu članova sindikata 4263,00 KM. Preostala 4 bona u iznosu od po 30 KM, se dodjeljuju Komisiji za dodjelu pomoći, u svrhu pomoći za rođenje djeteta.

- Jednoglasno je usvojena Odluka o utrošku sredstava za kupovinu promotivnog materijala. Upravni odbor je odobrio sredstva za kupovinu promotivnog materijala, 50 kalendara sa obilježjima sindikata, u ukupnom iznosu od 192,55 KM.

- Jednoglasno je usvojena Odluka o utrošku sredstava za članove sindikata koji su otišli u penziju u 2021.godini. Upravni odbor odobrava sredstva za članove sindikata koji odlaze u penziju u 2021-toj godini u iznosu od po 200 KM: Ban Zlatimir, Bešić Jasminko, Čerkez Izet, Gradišić Velija, Janić Zvezdan, Karailo Zinaida, Mirvić Iza, Salčinović Izudin, Tankosić Zoran, Vrgoč Nevenka.

**AD 4.** Komisija za dodjelu finansijske pomoći (M.Herac, R.Kukić, M.Baručija) predložila je da novčanu pomoć za mjesec decembar 2021.godine dobiju slijedeći članovi: Eljšan-Gojak Bilvana 250,00 KM (II dio), Dedić Amir 400,00 KM (II dio), Hodžić Mersiha 400,00 KM (II dio), Selimbegović Meliha 200,00 KM (II dio). Ukupno 1.250,00KM.

Za rođenje djeteta za poklon bonove DM-a u iznosu od po 200KM komisija predlaže Muminović Alena i Ohranović Sabrinu. Prijedlog odluke komisije je usvojen sa 10 glasova ZA i jedan član UO nije glasao.

**AD 5.** Samir Gadžo je istakao problem podova na VI spratu, odnosno neuslovnih prostora za rad i zamolio da sindikat postavi upit odgovornim službama kako ne bi došlo do povrede uposlenika na samom radnom mjestu. Isti problem je sa podnim pločama u režijama C i D, istakao je E.Čengić.

D.Smital je zaključio 25.sjednicu UO Sindikata u 14.43sati.

Izvršni sekretar  
SAMOSTALNOG SINDIKATA  
RADNIKA U BHRT-u  
Elvis Čengić

Predsjednik  
SAMOSTALNOG SINDIKATA  
RADNIKA U BHRT-u  
Damir Smital